



Peter Olsen
Inatsisartuni ilaasortaq, Inuit Ataqatigiit

Blackbox-imut tunngatillugu § 37 naapertorlugu apeqqutigineqartup akineqarnera

25-07-2017

Suliaq nr. 2017 - 16282

Allakkat nr. 5822896

Asasara Peter Olsen

Postboks 1029

3900 Nuuk

Oqarasuaat: +299 34 50 00

Fax.:+299 32 20 73

Email: ikiin@nanoq.gl

www.nanoq.gl

Inatsisartut suleriaasiat naapertorlugu apeqqutinnut qujanaq.
Apeqqutigineqartut tullinnguuttuni akissuteqarfingissavakka.

Apeqqut 1: *Film.gl suleqatigalugu filmiliortartut sullisivissaattut (filmværksted) KNR-toqqamiittooq ini blackbox-mik aamma taaneqartup pilersinniarneqarnera sumut killippa?*

Akissut: Pilertsitsisoqarnissaanik pilersaaruteqartoqanngilaq, tamatumunngalu pissutaavoq filmiliortartut sullivissaat Blackbox ulloq manna tikillugu KNR-ip illuutitoqai aqqutigalugit ingerlanneqareermat.

Apeqqut 2: *Film.gl-ip blackbox-ip tigunissaanut pilersaarutit imalunniit isummat allanngorsimaneramik?*

Akissut: Naagga, Blackboxip atorneqarsinnaanissaanik Naalakkersuisut suli sulissuteqarput, taamaaliornikkut filmiliortartut filmilorfissaminnik pilertsiniassammata.

Apeqqut 3: *Suna imaluunniit suut akornutaappat / aporfiuppat suli ullumikkumut tikillugu pilersinneqarsimanninneranut?*

Akissut: Ulloq manna tikillugu ajornartorsiutaasoq tassaavoq inersuup siunertamut atorneqartussaagaluartup oqoqarnera pissutaalluni atorneqarsinnaanissaa nalornissutaasimammat. Tamatumalu saniatigut illup ilaata Ilinniartitaanermut Aqutsisoqarfimmit atorneqartup assiaquusersornissaa pisariaqarsimavoq.

Apeqqut 4: *Akornutaasut/aporfiusut qaannerniarlugit naalakkersuisut suliniuteqarpat?*

a.Aap-iuppat taava qaqugu naatsersuutigisinnnaavarput akornutaasut aaqqinnejareersimanissaat?

Akissut: Aap, apeqqut 3-mut akissutigineqartoq takuuk.

a. Ajornartorsiutit apeqqut 3-mi eqqaaneqartut aaqqiissuteqarfiginiarlugit Naalakkersuisut sulissuteqarput. Ajornartorsiutit ukiassalernerani iluarsiiffigniarnissaat ilimanarpoq.

Apeqqut 5: Akornutaasut/aporfiusut qaanngerneqassappata tamanna aningaasatigut qanoq kinguneqassappat? Suut aningaasartuutaassappat? Aningaasatigut kinguneqassappata naalakkersuisut piareersimappat aningaasaliissuteqassallutik?

Akissut: Misissueeqqaartoqartussaammat aningaasat qanoq amerlatigisut atorneqassanersut massakkorpiaq oqaatigineqarsinnaanngilaq. Aningaasaliissutaareersut iluanni ajornartorsiut qaangerniarneqarsinnaassasoq ilimagineqarpoq.

Apeqqut 6: Film.gl-kkormiut blackbox-imut qaqugu isertersinnaalissappat?

Akissut: Illup ilaanut assiaqutit sananeqareerpata, illullu ilua atoruminarneruleriarpat Blackboxen atorneqarnissaminut piariissaq.

Apeqqut 7: Naalakkersuisut film.gl-kkormiut sullivittut atorsinnaasannik inimik allamik piukkussaqarnerlutik?

a. Aap-iuppat taava sunaava aamma sumiippa?

b. Pilersinneqassappat aningaasatigut kingunissai suuppat?

c. Aningaasartuutissat aningaasaliissutigineqarnissaat piareersimaffigineqarpat?

Akissut: Naalakkersuisut ininik allanik film.gl-imit atorneqarsinnaasunik ilisimasaqanngillat.

b. Illutaa immiussisarfiusimasorlu qangali sananeqarnikuupput, taamaammallu sanaartornermut aningaasartuuteqartoqassangilaq, siulanili taaneqareersut, tassa assiaquusersuinerit ingerlatsinerillu, aningaasartuuteqarfiusussaassallutik.

c. Aningaasaliissutit pioreersut atorlugit ajornartorsiut qaangerneqarsinnaassaaq.

Apeqqut 8: Filmiliornermik sullivik ulluinnarni aqutsisoqassaaq (dagligleder) aamma teknikkikut akisussaasoqassalluni (teknisk ansvarlig). Naalakkersuisut pilersaaruteqarpat film.gl-imiit atorfilittassat taakku marluk 2018-miit aningaasaliiffigissallugit?

Akissut: Naalakkersuisut filmiliorfimmi sulisussat akissarsiaqartinnissaannut aningaasaliinissartik aningaasanillu immikkoortitsinissartik pilersaarutiginngilaat. Naalakkersuisut "blacbox"-ip filmiliortunut atukkiussinnaanerannik taamaallaat pilersaaruteqarput, taamaalillutilu namminneq filmiliortarfissaminnik pilersitsisinnaaniassammata.

Inussiarnersumik inuullaqqusillunga

Med venlig hilsen